

## CONVENIO DE COLABORACIÓN ENTRE A AXENCIA GALEGA DE INFRAESTRUTURA E O CONCELLO DE REDONDELA PARA A MELLORA DA SEGURIDADE VIARIA E REORDENACIÓN DA PO-363 ENTRE REDONDELA E A PRAIA DE CESANTES

En Santiago de Compostela, 30 de xullo de 2025

### REUNIDOS

Dunha parte, María Martínez Allegue, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Digna Rivas Gómez, na súa condición de alcaldesa do Concello de Redondea, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

PRESIDENTA

Ambas dúas partes recoñécense na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

### EXPOÑEN

**Primeiro.** A estrada PO-363 (Redondea – Praia de Cesantes), pertencente á rede secundaria da Xunta de Galicia, ten unha lonxitude de 1,09 km e transcorre integramente polo Concello de Redondea. Esta estrada forma xa parte do núcleo urbano de Redondea e comportase como unha rúa máis, de aí que tamén se coñeza como Avenida Mendiño. Esta rúa iniciase na intersección da Avenida Sta Mariña (N-550) coa Avenida de Ernestina Otero e finaliza na praia de Cesantes. Para unha mellor adecuación á súa funcionalidade urbana considérase oportuna a reordenación da súa sección e a mellora da súa seguridade viaria.



**Segundo.** A Axencia Galega de Infraestruturas ten entre os seus obxectivos, a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intre municipais na procura e no fomento dun desenvolvemento harmónico.

Entre os instrumentos de planificación que guían a actividade da Axencia está o Plan de Seguridade Viaria de Galicia 2022-2025, aprobado polo Consello da Xunta de Galicia de 28 de abril de 2022. O seu programa de actuación estrutúrase en retos e en accións, sendo o reto número 1 a “visión cero en usuarios vulnerables: mellora da seguridade dos peóns”, e a acción 1.1, a construción de beirarrúas e sendas peonís.

**Terceiro.** A Axencia Galega de Infraestruturas, dentro da súa planificación en materia de estradas, redactou o proxecto de “Mellora da seguridade viaria e reordenación da PO-363. Treito: Redondela

- Praia de Cesantes”, de clave PO/18/113.06



AXENCIA  
GALEGA DE  
INFRAESTRUTURAS

PRESIDENTA

**Cuarto.** O Concello de Redondela a finais de 2024 remitiu á Xunta de Galicia unha memoria técnica na que recollía unha serie de consideracións para modificar o proxecto, baseándose na súa condición de futura administración titular da vía. Estas modificacións implican de acordo coa propia memoria *“que a actuación se impregne dun espírito urbano dulcificado no que o cidadán adquiera o protagonismo, entendendo o espazo público como soporte das relacións humanas e ágoras de convivencia”*, e polo tanto propoñendo agrandar o obxecto do proxecto dunha actuación en materia de estradas, propia da Axencia Galega de Infraestruturas.

**Quinto.** Dado o peso no proxecto da renovación dos servizos urbanos e de que os criterios de deseño que se propoñen parten dun concepto de espazo público urbano afastado do concepto de estrada, o máis razoable é que se realice o cambio de titularidade en favor do Concello de Redondela, e sexa a administración municipal a que redacte o proxecto construtivo e dirixa a execución das obras, das que será o destinatario final. Pola súa parte, a Axencia Galega de Infraestruturas, como administración actualmente titular da vía, colaborará co financiamento da actuación, ademais de realizar a tramitación do cambio de titularidade.



Esa consideración de complementariedade, xunto coa necesidade dunha actuación en materia de accesibilidade e seguridade viaria, xustifican a concesión directa dunha subvención ao Concello de Redondela ao abeiro do disposto no artigo 19.4 c) da Lei 9/2007, do 13 de xuño, de subvencións de Galicia.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

## CLÁUSULAS

### PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Redondela que permitan o acondicionamento da estrada autonómica PO-363 entre Redondela e a praia de Cesantes, e a súa transformación nun viario urbano.

O orzamento necesario para a execución destas obras estímase **NUN MILLÓN CINCOCENTOS NOVENTA E CATRO MIL SETECENTOS TRECE EUROS CON DEZ CÉNTIMOS (1.594.713,10 €)** IVE incluído.

### SEGUNDA. REQUISITOS

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta




subvención directa que o Concello de Redondela cumprise co deber de remisión ao Consello de Contas da súa conta xeral.

### TERCEIRA. COMPROMISOS DO CONCELLO DE REDONDELA

O Concello de Redondela obrígase a:

1. Redactar o proxecto de acondicionamento da PO-363 entre Redondela e a praia de Cesantes, que será remitido á Axencia Galega de Infraestruturas para a súa conformidade.
2. Achegar a cantidade de 433.268,19 €, IVE incluído, correspondente ás partidas de renovación das redes de saneamento e abastecemento e ao 50% da partida de renovación do alumeadado e semaforización, de acordo coa seguinte distribución:



ANO	IMPORTE €
2025	86.653,64
2026	216.634,10
2027	129.980,45
TOTAL	433.268,19

3. Executar as obras obxecto deste convenio, previa posta a disposición polo tempo necesario para a súa execución, polo órgano correspondente da Xunta de Galicia, dos terreos necesarios. A posta a disposición quedará formalizada na correspondente acta.
4. Aceptar o cambio de titularidade de todo o dominio público viario da PO-363 entre Redondela e a praia de Cesantes. Previamente á adxudicación das obras, deberá terse tramitado o expediente de cambio de titularidade consonte ao establecido no artigo 9 da Lei 8/2013, do 28 de xuño, de estradas de Galicia e no Decreto 66/2016, do 26 de maio, polo que se aproba o Regulamento xeral de estradas de Galicia. A sinatura deste convenio xa supón o acordo entre ámbalas dúas administracións para a tramitación do expediente de cambio de titularidade. A correspondente acta de entrega será asinada antes do inicio da execución das obras.



5. Asumir as obrigas económicas que excedan do importe consignado no convenio.

6. Xestionar todos os terreos necesarios, así como a reposición de servizos e servidumes afectados non incluídos no proxecto. Así mesmo, asumirá a realización das xestións pertinentes ante os organismos que corresponda para a obtención dos permisos, licencias e autorizacións regulamentarias.

7. Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade da execución da actividade subvencionada fronte á administración. Tamén se compromete a establecerlle ao

contratista a obriga de colaboración para o exercicio das funcións de control previstas no artigo 45 da citada lei.

8. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.

9. Comunicar á Axencia Galega de Infraestruturas, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

10. Comunicar á Axencia Galega de Infraestruturas a data de recepción das obras para os efectos de que esta envíe un representante se así o estima oportuno.

11. O concello deberá dar publicidade da obra mediante un cartel anunciador no que conste expresamente o co financiamento da Xunta de Galicia (Consellería de Vivenda e Planificación de




Infraestruturas– Axencia Galega de Infraestruturas) de acordo coa imaxe corporativa oficial da Xunta de Galicia.

O anterior cartel de obras complementarase con outro situado ao seu carón coa única mensaxe “Xunta de Galicia”, de acordo co seguinte deseño:



#### CUARTA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume o compromiso de financiar un máximo **DUN MILLÓN CENTO SESENTA E UN MIL CATROCENTOS CORENTA E CATRO EUROS CON NOVENTA E UN CÉNTIMOS (1.161.444,91 €)** con cargo á partida orzamentaria 11.A1.512B.760.0, código de proxecto 1999-06714, dos orzamentos da Axencia Galega de Infraestruturas, de acordo coa seguinte distribución:



ANO	IMPORTE €
2025	232.288,98
2026	580.722,46
2027	348.433,47
TOTAL	1.161.444,91

A Xunta de Galicia, a través da Axencia Galega de Infraestruturas, tramitará o expediente de cambio de titularidade de todo o dominio público da estrada PO-363 entre Redondela e a praia de Cesantes, antes da adxudicación das obras polo Concello de Redondela.

#### QUINTA.- XUSTIFICACIÓN E PAGAMENTO.



A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da citada Lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80% da porcentaxe subvencionada correspondente aos pagamentos xustificados, sen exceder da anualidade prevista en cada exercicio orzamentario.

O Concello de Redondea xustificará a subvención mediante a presentación da seguinte

documentación:

 AXENCIA  
GALEGA DE  
INFRAESTRUTURAS

1. Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.

2. Certificación expedida pola secretaría da entidade local, co visto e prace do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:

- O cumprimento da finalidade da subvención.
- Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
- Os documentos acreditativos dos gastos realizados con recursos propios.
- Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma



de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

- Declaración responsable da obtención doutras subvencións, axudas, ingresos ou recursos que financien as actuacións subvencionadas.
- Mostra fotográfica da publicidade da subvención e das obras realizadas, segundo o establecido na cláusula terceira do convenio.

Serán subvencionables os gastos de execución das obras realizados durante o anos 2025, 2026 e 2027.

A data límite para a xustificación destes gastos é o 10 de decembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxes subvencionadas por cada unha das administracións participantes sobre o custo total da actividade.

De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións as entidades locais galegas, unha vez que se efectúen os libramentos por parte da Axencia Galega de Infraestruturas a favor do Concello de Redondela, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.

#### **SEXTA.- SEGUIMIENTO E CONTROL.**

Para o seguimento, control e avaliación de cantas dúbidas poidan xurdir na aplicación do convenio constituirase unha comisión de seguimento, coa participación dun representante da Axencia Galega de Infraestruturas e dun representante do Concello de Redondela.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.



As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

#### **SÉTIMA. - NATUREZA DO CONVENIO.**

Este convenio ten natureza administrativa, rexéndose polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

#### **OITAVA.- COMPATIBILIDADE.**

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

#### **NOVENA- REVOGACIÓN, REINTEGRO E RESOLUCIÓN.**

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.



En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

#### **DÉCIMA.- PUBLICIDADE.**

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS)

#### **UNDÉCIMA.- VIXENCIA DO CONVENIO.**

Este convenio terá vixencia dende a súa sinatura ata o 31 de decembro de 2027 e financiará os gastos realizados dende o 1 de xaneiro de 2025 nas condicións establecidas na cláusula quinta.

E para que así conste, en proba de conformidade coas cláusulas deste convenio, as partes asinan este documento

A presidenta da Axencia Galega de Infraestruturas



María Martínez Allegue

A alcaldesa do Concello de Redondea



Digna Rivas Gómez

